



## UGOVOR

### o nabavci čeličnih kuglastih ventila za prirodni gas - podzemna ugradnja

Ugovorne strane:

KJKP "Sarajevogas" d.o.o. Sarajevo, ul. Trg Fadile Odžaković Žute br. 4, Sarajevo  
Koga zastupa: v.d. Direktora Preduzeća, Samir Pajević, dipl.ing.maš. (u daljem tekstu: Kupac)

i  
Poliko International d.o.o., Bojnička 105, 71210 Ilidža, BiH

Koga zastupa: Ramiz Hasanović (u daljem tekstu: Prodavac)

#### Član 1.

Predmet ovog ugovora je nabavka čeličnih kuglastih ventila za prirodni gas - podzemna ugradnja, po otvorenom postupku javne nabavke broj TD-05-16/20. Prodavac je dostavio ponudu prema obrascu za cijenu ponude broj SP-OJ04-TD-05-16/20-01 (ANEKS III).

Sadržaj i vrijednost robe iz stava 1. ovog člana (obrazac za cijenu ponude broj SP-OJ04-TD-05-16/20-01 ANEKS III) priložen je ovom ugovoru i predstavlja njegov sastavni dio.

#### Član 2.

Ugovorna vrijednost robe iz člana 1. ovog ugovora bez PDV-a iznosi: **129.945,63 KM (slovima: sotdvadesetdevehiljadadevetstotinačeterdesetpet i 63/100) KM**, a jedinične cijene su specificirane u prilogu ovog ugovora i čine njegov sastavni dio.

#### Član 3.

Prodavac će robe iz člana 1. isporučivati prema obrascu za cijenu ponude SP-OJ04-TD-05-16/20-01 (ANEKS III) nakon zaključenja ovog ugovora i dostavljanja pojedinačnih narudžbi.

Ugovorne strane su saglasne da se kvantitativni i kvalitativni prijem isporučene robe i pripadajuće dokumentacije izvrši od strane ovlaštenih predstavnika svake ugovorne strane u skladištu kupca.

Krajnji rok za isporuku robe, nakon svake pojedinačne narudžbe je **60 dana** od potpisa ugovora i ispostavljanja narudžbe.

#### Član 4.

Prodavac će obračun isporučene robe vršiti po jediničnim cijenama iz priloga ovom ugovoru. Kupac će plaćanje izvršiti u roku od **30 dana** nakon prijema uredno ispostavljene fakture na transakcijski račun naznačen na fakturi Prodavca.

#### Član 5.

Obaveza Prodavca je da u roku od **deset (10) dana** računajući od dana potpisivanja ovoga ugovora dostavi Kupcu garanciju za dobro izvršenje posla u iznosu od **10% od vrijednosti ugovora, odnosno 12.994,56 KM bez PDV-a**, u obliku bezuslovne bankarske garancije sa klauzulom plativo na prvi pisani poziv korisnika garancije i bez prava prigovora, sa rokom važnosti: rok izvršenja ugovornih obaveza + 30 dana.

Ukoliko Prodavac obavi sve isporuke i sve ugovorene poslove kvalitetno i u roku, Kupac će u roku od petnaest (15) dana nakon realizacije ugovora Prodavcu vratiti pomenutu garanciju.

Ukoliko Prodavac ne dostavi traženu garanciju u zadanom roku iz stava 1. ovog člana, zaključeni ugovor će se smatrati apsolutno ništavim.



**Član 6.**

Kupac i Prodavac se neće smatrati odgovornima za zakašnjenje u ispunjenju obaveza prema ovom Ugovoru, neposredno ili posredno, ako je zakašnjenje uslijedilo usljed više sile. Pod višom silom podrazumijevaju se slučajevi koji se mogu pojaviti poslije stupanja ugovora na snagu, a koji nisu pod kontrolom ni jedne ugovorene strane, niti se objektivno mogu predvidjeti, a sprječavaju jednu ili obje ugovorene strane u ispunjavanju njihovih ugovornih obaveza.

**Član 7.**

Prodavac nije ovlašten da zaključuje podugovore sa drugim licima u cilju realizacije ugovornih obaveza bez predhodnog pismenog odobrenja kupca.

**Član 8.**

Prodavac je u obavezi da u roku od **60 dana** nakon dobivanja narudžbe od kupca izvrši isporuku tražene robe. Za svaki dan kašnjenja u isporuci kupac će zaračunati penale u iznosu od 1%, s tim da ukupan iznos penala ne može biti veći od 5% ukupne vrijednosti ugovora.

**Član 9.**

Ukoliko kupac u ugovornom roku iz člana 4. ovog ugovora ne plati cijenu za isporučenu robu obavezan je prodavcu isplatiti i zateznu kamatu u skladu sa zakonom i drugim propisima koji uređuju ovaj institut.

**Član 10.**

Ovaj ugovor se zaključuje na period od 1 (jedne) godine počev od dana potpisivanja istog. U slučaju raskida ugovora, ugovorna strana koja traži raskid ugovora obavezna je da o svojoj namjeri obavijesti drugu ugovornu stranu sa otkaznim rokom od 30 (trideset) dana.

**Član 11.**

Ugovorne strane su saglasne da prodavac neće zapošljavati, odnosno angažovati fizička i pravna lica koja su učestvovala u pripremi tenderske dokumentacije ili bili angažovani kao članovi ili stručna lica u Komisiji za nabavke. Ograničenja u smetnji iz stava 1. ovog člana traju 6 (šest) mjeseci od dana zaključivanja ugovora.

**Član 12.**

Na sve odnose i institute koji nisu navedeni u ugovoru, a pojave se prilikom realizacije, primjenjivaće se odgovarajuće odredbe Zakona o obligacionim odnosima.

**Član 13.**

Ovaj Ugovor stupa na snagu danom potpisivanja od strane obje ugovorene strane, a sačinjen je u 5 (pet) istovjetnih primjeraka, od kojih Kupcu pripada 3 (tri) primjerka a Prodavcu 2 (dva) primjerka.

**Član 14.**

Sve nesporazume do kojih dođe u realizaciji ovog Ugovora, a koji se ne mogu riješiti u duhu dobrih poslovnih odnosa, rješavaće nadležni sud u Sarajevu.

**Za Prodavca:**

Direktor

Ramiz Hasanović



Broj i datum ugovora, 67/2020, 29.05.2020

**Za Kupca:**

v.d. Direktor Preduzeća

Samir Pajević, dipl.ing.maš.

Izvršni direktor

Alisa Konaković, dipl.iur.

Broj i datum ugovora, 14/20

26-05-2020

